



**ՀՖՖ ԱԿՈՒՄԲԼԵՐԻ  
ԱՐՏՈՆԱԳՐՄԱՆ ՀԱՄԵՄԱՏԱԿԱՆ  
ՎԵՐԼՈՒԾՈՒԹՅՈՒՆ 2018  
2017/2018 ՄՐՑԱՇՐՋԱՆ**



**ՀՖՖ ԱԿՈՒՄԲՆԵՐԻ ԱՐՏՈՆԱԳՐՄԱՆ  
ՀԱՄԵՄԱՏԱԿԱՆ ՎԵՐԼՈՒԾՈՒԹՅՈՒՆ 2018  
2017/2018 մրցաշրջան**



**ՀՖՖ Արտոնագրման բաժին  
Օգոստոս 2018թ.**



Հարգելի բարեկամ,

ՀՖՖ Արտոնագրման բաժինը Ձեզ է ներկայացնում ՀՖՖ ակումբների արտոնագրման համեմատական վերլուծության վեցերորդ հրատարակությունը 2017/2018 թվականների մրցաշրջանի և 2017 թվականի ֆինանսական տարվա վերաբերյալ: Այն ամբողջապես վերաբերում է հայկական ակումբային պրոֆեսիոնալ ֆուտբոլին՝ իր մեջ ներառելով ՀՀ Բարձրագույն խմբի ակումբների մասին մանրամասն տեղեկատվություն համեմատական կարգով: Այս փաստաթուղթը հրատարակվում է վեցերորդ տարին անընդմեջ և շարունակում է հանդիսանալ ամենամյա սկզբունքով հրապարակվող միակ փաստաթուղթը, որը պարունակում է հայկական ակումբների և հայկական ֆուտբոլի վերաբերյալ ֆինանսական, ենթակառուցվածքային, մարզչական, կադրային, իրավական և այլ կարևոր տեղեկատվություն:

Այս զեկույցն իր մեջ ներառում է 2017/2018 թվականների մրցաշրջանի և 2017 թվականի ֆինանսական տարվա ընթացքում հավաքագրված ողջ տեղեկատվությունը, որոնք ակումբները ներկայացրել են ՀՖՖ ակումբների արտոնագրման և վերահսկողության գործընթացի շրջանակներում: Ձեկույցում նաև անդրադարձ է կատարվում 2018/2019 թվականների մրցաշրջանի արտոնագրման գործընթացին և արտոնագրային որոշումներին, քանի որ նշված մրցաշրջանի արտոնագրերն ակումբներին շնորհվել են 2017/2018 թվականների մրցաշրջանի ընթացքում:

Ձեկույցում ներառել ենք նաև այն նշանակալից իրադարձությունները, որոնք տեղի են ունեցել նախորդ մրցաշրջանի ընթացքում, և որոնք դուրս են ակումբային ֆուտբոլի շրջանակներից, ինչպես օրինակ նոր ենթակառուցվածքների կառուցումն է:

Վերոնշյալ տեղեկատվությունը չէր լինի հասանելի և ակումբների արտոնագրման համեմատական զեկույցը չէր դառնա իրականություն առանց մեր ակումբների կողմից համապատասխան աջակցություն և պատրաստակամություն ցուցաբերելու: Այդ առումով մեր խորին շնորհակալությունն ենք հայտնում ՀՀ Բարձրագույն և Առաջին խմբերի բոլոր ակումբներին իրենց աջակցության և սույն զեկույցի կազմմանը մասնակցություն ցուցաբերելու համար:

Վստահ ենք, որ ՀՖՖ ակումբների արտոնագրման համեմատական վերլուծություն զեկույցը կոչված է բարձրացնելու և ավելացնելու հայկական ֆուտբոլում առկա թափանցիկության մակարդակը, ինչը հանդիսանում է ՀՖՖ քաղաքականության անկյունաքարերից մեկը:



*ՀՖՖ Ֆուտբոլի դեպարտամենտի ղեկավար  
Արթուր Ազարյան*



# ԲՈՎԱՆԴԱԿՈՒԹՅՈՒՆ

1. ԱՐՏՈՆԱԳՐՄԱՆ ԳՈՐԾԸՆԹԱՑ .....	7
2. ՀԱՃԱԽԵԼԻՈՒԹՅՈՒՆ .....	13
3. ՖՈՒՏԲՈԼԻՍՏՆԵՐ ԵՎ ԼԵԳԻՈՆԵՐՆԵՐ .....	21
4. ԵԿԱՄՈՒՏՆԵՐ ԵՎ ԾԱԽՍԵՐ .....	25
5. ԵՆԹԱԿԱՌՈՒՑՎԱԾՔՆԵՐ .....	31
6. ՄԱՐԶԱԿԱՆ ԴԱՍԸՆԹԱՑՆԵՐ ԵՎ ԱՐՏՈՆԱԳՐԵՐ .....	35



## ԳԼՈՒԽ 1. ԱՐՏՈՆԱԳՐՄԱՆ ԳՈՐԾԸՆԹԱՑ



## Արտոնագրման գործընթաց

ՀՖՖ Ակումբների արտոնագրման համեմատական վերլուծությունը շարունակում է մնալ իր տեսակի մեջ հայկական ֆուտբոլին վերաբերող միակ ուսումնասիրությունը, մի կողմից հանդիսանալով ակումբային ֆուտբոլի ուղեցույցը, մյուս կողմից կատարելով ժամանակակից ֆուտբոլի կարևոր միտումների արձանագրման և փաստաթղթավորման գործընթացը: Վերլուծությունը ներկայացնում է անցնող մրցաշրջանում արձանագրված իրադարձությունները՝ փաստերի հիման վրա, որոնք և՛ դրական, և՛ բացասական միտում ունեն: ՀՖՖ Արտոնագրման բաժինը սույն վերլուծությունը կազմել է ՀՖՖ ակումբների կողմից ներկայացված արտոնագրման 5 չափանիշների (մարզական, կադրային և վարչական, իրավական, ենթակառուցվածքային և ֆինանսական) հիման վրա՝ պահպանելով անկախության և գաղտնիության պատշաճ մակարդակը:

Վերլուծության հիմնական առանցքն են կազմում նախորդ 14 մրցաշրջանների ընթացքում ՀՖՖ Ակումբների արտոնագրման գործընթացի մասին տեղեկատվությունը, կայացված որոշումների համեմատությունները՝ ըստ Ազգային և ՈՒԵՖԱ-ի արտոնագրային գործընթացների, մարզասերների՝ ներքին առաջնություններին խաղերի հաճախելիությունը, ՀՀ Բարձրագույն և Առաջին խմբերի հանդիպումներին մասնակցած ֆուտբոլիստների տարիքային առանձնահատկությունները, ինչպես նաև ակումբների ֆինանսական հաշվետվությունների վրա հիմնված տեղեկությունները եկամուտների ու ծախսերի մասին:

ՀՖՖ Արտոնագրման բաժինը լուրջ առաջընթաց է գրանցել նաև մարզչական կրթության կազմակերպման և անցկացման ոլորտում: 2018 թվականին մեկնարկեց ՀՖՖ Մարզչական ՊՐՈ արտոնագրի դասընթացը: Դրանով սկիզբ դրվեց դասընթացի 13 մասնակիցների մեկուկես տարի տևողությամբ բարդ ճանապարհի հաղթահարմանը: Միաժամանակ մեկնարկեցին ՀՖՖ Մարզչական Ներածական, “Բ” և “Ա” արտոնագրերի դասընթացները: Արդեն երկրորդ տարին անընդմեջ անցկացվող Մարզչական Ներածական դասընթացը, մասնակիցների մեծ քանակով պայմանավորված, անցկացվեց 2 փուլով, և ավարտական քննությունները բարեհաջող հանձնած մասնակիցները հնարավորություն ստացան մասնակցելու նաև Բ արտոնագրի դասընթացին: Հաջորդ մրցաշրջանում ՀՖՖ Արտոնագրման բաժինը պլանավորում է անցկացնել նաև Դարպասապահների մարզչական Ա արտոնագրի, ինչպես նաև Ֆուտզալի մարզչական Բ արտոնագրի դասընթացներ:




**10 ԱԶԳԱՅԻՆ  
ԱՐՏՈՆԱԳԻՐ**



**6 ՈՒԵՖԱ-Ի  
ԱՐՏՈՆԱԳԻՐ**


## 2004-2018/2019թթ. ՀՖՖ Ակումբների ստացած և մերժված Ազգային արտոնագրեր



Ստացած
  Մերժված
  Հետ կանչված



## 2008-2018/2019թթ. ՀՖՖ Ակումբների ստացած և մերժված ՌԻԵՖԱ-ի արտոնագրեր







VIVA CELL MTS

JAKO

Tonex  
for Business  
ՀԱՅԿԻՍՏԱՆԻ ԲԱՆԿԻ ՍՊԵՍԱԿԱՆԱԿՈՒՄԻ ԿՈՄՊԵՆԻ ՍՊԵՍԱԿԱՆԱԿՈՒՄԻ

ՀԱՅԿԻՍՏԱՆԻ ԲԱՆԿԻ ՍՊԵՍԱԿԱՆԱԿՈՒՄԻ ԿՈՄՊԵՆԻ ՍՊԵՍԱԿԱՆԱԿՈՒՄԻ

SPORT

ՀԱՅԿԻՍՏԱՆԻ ԲԱՆԿԻ ՍՊԵՍԱԿԱՆԱԿՈՒՄԻ ԿՈՄՊԵՆԻ ՍՊԵՍԱԿԱՆԱԿՈՒՄԻ

JAKO



## ԳԼՈՒԽ 2. ՀԱՃԱԽԵԼԻՈՒԹՅՈՒՆ



## Հաճախելիություն

Համեմատելով 2016/2017 և 2017/2018 մրցաշրջանների ՀՀ Բարձրագույն խմբի առաջնության հաճախելիության ցուցանիշները՝ տեսնում ենք, որ ընդհանուր երկրպագուների թիվը նվազել է մոտավորապես 21%-ով, և այս տարի վերջին 5 տարվա ընթացքում գրանցվել է ամենացածր ցուցանիշը՝ 38150 հանդիսական:

Տնային հանդիպումների ժամանակ երկրպագուների ամենամեծ բանակը ունեցել է Շիրակ ակումբը, որի խաղերն այս տարի դիտել է 7870 հանդիսական, ինչը սակայն նույնպես ցածր է ակումբի նախորդ երկու տարիներին գրանցած արդյունքներից: Շարունակում է մեծ տեմպերով նվազել Գանձասար-Կապանի երկրպագուների մարզադաշտ հաճախելիությունը, որի հիմնական պատճառը շարունակում է մնալ տնային մարզադաշտի հաճախակի փոփոխությունը: Ավարտված մրցաշրջանում կապանյան ակումբի խաղերը դիտել է 4080 հանդիսական, որը կազմում է նախորդ տարվա ցուցանիշի մոտ կեսը: Հարկ է նաև նշել, որ նախորդ մրցաշրջանի երկրպագուների հաճախելիության թվով առաջատար Բանանցի հանդիսականների թիվն էլ կրճատվել է՝ 11200-ից դառնալով 7550:


ՀՀ Առաջին խմբի առաջնության նկատմամբ հետաքրքրությունն աճել է: 2016/2017 մրցաշրջանում այդ ցուցանիշը կազմել է 9105 ֆուտբոլասեր, իսկ 2017/2018 մրցաշրջանում գրանցվել է 14630 հանդիսական: Մարզասերների թվաքանակի աճը նաև պայմանավորված է մասնակից ակումբների քանակի ավելացմամբ: Ավարտված մրցաշրջանում Առաջին խմբում հանդես էր գալիս 10 թիմ:

Սակայն նվազել են ՀՀ Գավաթի խաղարկության հաճախելիության ցուցանիշները: Այդ ցուցանիշը 2016/2017 մրցաշրջանում արդեն իսկ նվազել էր և կազմում էր 5600 երկրպագու: Այս մրցաշրջանում այդ թիվն էլ ավելի է նվազել և կազմել է 3770 երկրպագու:


Ինչպես նաև անկում է ապրել եզրափակիչ հանդիպման օրը մարզադաշտ այցելած հանդիսականների քանակը: Այդ ցուցանիշը 2000-ից դարձել է 1000:



## ՀՀ Բարձրագույն խմբի առաջնության հաճախելիություն




## 2017/2018 ՀՀ Բարձրագույն խմբի առաջնության հաճախելիությունը՝ ըստ ակումբների






## ՀՀ Բարձրագույն խմբի առաջնությունների հաճախելիություն 2013/2014թթ. - 2017/2018թթ.




## ՀՀ Առաջին խմբի առաջնության հաճախելիություն 2017/2018 թթ.



Ընդամենը՝ 14630 հանդիսական

## ՀՀ Գավաթի խաղարկության հաճախելիություն 2018



\* Եզրափակիչ հանդիպմանը ներկա է եղել 1000 հանդիսական





### ԳԼՈՒԽ 3. ՖՈՒՏԲՈԼԻՍՏՆԵՐ ԵՎ ԼԵԳԻՈՆԵՐՆԵՐ

Հաշվետվության այս հատվածում ներկայացված է ՀՀ Բարձրագույն խմբի առաջնության թիմերի կազմում հայտավորված ֆուտբոլիստների տարիքային համեմատական վերլուծությունը: Ի տարբերություն 2016/2017 մրցաշրջանի, այս տարի թիմերը հանդես են եկել ավելի երիտասարդ կազմերով: Առաջնությանը մասնակցած ընդհանուր թվով 253 ֆուտբոլիստների միջին տարիքը կազմում է 24.59:

Ամենաերիտասարդ կազմ ունեցող Երևանի Փյունիկում այս մրցաշրջանում հանդես է եկել 18-20 տարեկան 12 ֆուտբոլիստ, իսկ թիմի ֆուտբոլիստների միջին տարիքը մոտ 22 է, ինչը արդեն մի քանի տարի է ամենացածրն է համարվում Բարձրագույն խմբի առաջնությունում: Հարկ է նշել, որ 30 տարեկանից բարձր և ոչ մի ֆուտբոլիստ հանդես չի եկել Փյունիկի կազմում:

Առաջնության ոսկե մեդալակիր Երևանի Ալաշկերտի կազմի մոտ կեսը 24-ից 30 տարեկան էին (24 ֆուտբոլիստ), ինչով էլ պայմանավորված էր ակումբի խաղացողների միջին տարիքը՝ 27.4: Մյուս ակումբների հետ համեմատած՝ ռեկորդային էր Ալաշկերտի ցուցանիշը 30 տարեկանից բարձր ֆուտբոլիստների քանակով (8 ֆուտբոլիստ):

Երկրի փոխչեմպիոն Երևանի Բանանցը հանդես եկավ համեմատաբար տարիքային հավասարակշռված կազմով, խաղաժամանակ տրամադրելով հավասարապես 18-23 տարեկան՝ 15 և 23-ից բարձր տարիքային՝ 15 ֆուտբոլիստների:


Ինչպես և Ալաշկերտը՝ Գանձասար-Կապանը նույնպես մեծամասամբ ապավինել էր 24-30 տարեկան ֆուտբոլիստներին: Կապանյան ակումբի ֆուտբոլիստների միջին տարիքը կազմում է 25.32, որը նույնպես բարձր է 2017/2018 մրցաշրջանում Բարձրագույն խմբի ֆուտբոլիստների միջին տարիքային ցուցանիշից:

ՀՀ Շիրակի մարզը ներկայացնող՝ Գյումրիի Շիրակը ավարտված մրցաշրջանում ներկայացված էր 21-30 տարեկան 22 ֆուտբոլիստներով:

Երևանի Արարատի ֆուտբոլիստների միջին տարիքը կազմում էր 24.28, և ակումբը վստահում էր հավասարապես թե 18-20 տարեկան, թե 30 տարեկանից բարձր խաղացողներին (4-ական ֆուտբոլիստ): Գերակշիռ մաս էին կազմում 21-23 և 24-30 տարեկան ֆուտբոլիստները:

2017/18 մրցաշրջանի ՀՀ Բարձրագույն խմբի առաջնությունում հանդես եկավ ընդհանուր թվով 70 լեգիոներ: Ալաշկերտն ու Գանձասար-Կապանը առաջատարներն էին կազմում հայտավորված արտասահմանցի ֆուտբոլիստների քանակով՝ 15-ական խաղացող: Ամենաքիչը՝ 6 լեգիոներ, հանդես էր գալիս Արարատում:

## 2017/2018 թթ. ՀՀ բարձրագույն խմբում հանդես եկած ֆուտբոլիստներ



\* Միջին տարիքը՝ 24.59







## ԳԼՈՒԽ 4. ԵԿԱՄՈՒՏՆԵՐ ԵՎ ԾԱԽՍԵՐ

Համաձայն ՀՖՖ Ակումբների արտոնագրման կանոնակարգի՝ Բարձրագույն խմբի բոլոր ակումբների ֆինանսական հաշվետվությունները ենթարկվում են տարեկան պարտադիր աուդիտի, որի արդյունքները ներկայացվում են ՀՖՖ Արտոնագրման բաժին: Այս տարին էլ բացառություն չէր այդ տեսանկյունից:


Ֆինանսական չափանիշի պատշաճ իրագործումը պարտադիր պահանջ է՝ ՈւԵՖԱ-ի մրցաշարերին մասնակցելու արտոնագիր ստանալու համար: 2018 թվականին Բարձրագույն խմբի բոլոր 6 ակումբները բավարարել են վերոնշյալ չափանիշը՝ այդպիսով հնարավորություն ստանալով մասնակցելու 2018/2019 թվականների ՈւԵՖԱ-ի կողմից կազմակերպվող ակումբային մրցաշարերին:

Ֆինանսական չափանիշի պահանջներին բավարարելու համար ակումբները պետք է ներկայացնեն հետևյալ հաշվետվությունները՝ ֆինանսական վիճակի մասին, համապարփակ ֆինանսական արդյունքների մասին, սեփական կապիտալում փոփոխությունների մասին, դրամական հոսքերի վերաբերյալ, ինչպես նաև՝ սեփական աշխատակիցների, հարկային և սոցալ մարմինների և այլ ակումբների նկատմամբ ժամկետանց վճարումների բացակայության վերաբերյալ հաշվետվություններ:


Ստացված տեղեկատվության ուսումնասիրությունից պարզ է դառնում, որ 2017 թվականի հաշվետու տարում՝ 2016 թվականի համեմատությամբ, ՀՀ ակումբների ընդհանուր եկամուտները աճել են շուրջ 6%-ով, միևնույն ժամանակ, վերջիններիս ծախսերը նույնպես աճել են անհամեմատ մեծ ցուցանիշով՝ 43%-ով: Ծախսերի կտրուկ աճը պայմանավորված է աշխատավարձերի աճով և նոր խաղացողների ձեռքբերմամբ:

Հարկ է նշել, որ վերջին ժամանակաշրջանում առաջին անգամ ակումբներից մի քանիսը եկամուտներ են ստացել հեռարձակման իրավունքներից: Սակայն, այդուհանդերձ, ակումբների հիմնական եկամտի աղբյուրը շարունակում է մնալ ՈւԵՖԱ-ից ստացված պարգևավճարները և համերաշխության գումարները:

## Հաշվապահական հաշվեկշիռ 2017 ֆինանսական տարի




## Եկամուտներ ֆինանսական տարի 2017





# Ծախսեր ֆինանսական տարի 2017



- Ընդհանուր գործառնական ծախսեր առանց տրանսֆերների
- Մաշվածություն և անորտիզացիա
- Ծառայությունների և նյութերի արժեք

- Այլ գործառնական ծախսեր
- Վարձու աշխատողներին տրվող աշխատավարձ և հարկեր





## ԳԼՈՒԽ 5. ԵՆԹԱԿԱՌՈՒՑՎԱԾՔՆԵՐ



Հայաստանի ֆուտբոլի ֆեդերացիան մշտապես մեծ ուշադրություն է դարձրել ֆուտբոլային ենթակառուցվածքների զարգացմանը: Ավանի, Գյումրու, Վանաձորի ակադեմիաներն այս առումով դարձել են ֆեդերացիայի այցեքարտերը:

Մարզային ենթակառուցվածքների զարգացման ծրագրին համապատասխան՝ 2017 թվականին շարունակվել են ֆուտբոլային դպրոցների, խաղադաշտերի, ակադեմիաների շինարարության աշխատանքները Սյունիքի, Գեղարքունիքի, Լոռու, Տավուշի, Կոտայքի և Արմավիրի մարզերում: Ընդ որում արդեն մեկնարկել է այսպես կոչված «Սահմանամերձ բնակավայրեր» ծրագիրը, համաձայն որի նախատեսվում ենք Հայաստանի սահմանամերձ բնակավայրերում կառուցել և վերանորոգել ֆուտբոլային խաղադաշտեր և դպրոցներ: 2018 թվականին մեկնարկել են Տավուշի մարզի Ներքին Կարմրաղբյուր գյուղում ֆուտբոլի խաղադաշտի վերակառուցման աշխատանքները:

2017 թվականին մեկնարկել է նաև Երևանից դուրս գտնվող մարզադաշտերի վերակառուցման աշխատանքները:

### *Արմավիրի քաղաքային մարզադաշտ*

Երկարատև բանակցություններից հետո Հայաստանի ֆուտբոլի ֆեդերացիային հաջողվել է իրավունք ստանալ վերակառուցելու մարզադաշտը և արդեն կատարվել են մեծածավալ աշխատանքներ: Մասնավորապես, մարզադաշտի տարածքից հեռացվել է փլատակների վերածված տրիբունան, և դրա տեղում արդեն պատրաստ է ժամանակակից պահանջներին համապատասխանող արհեստական խոտածածկով խաղադաշտը: Նախատեսվում է վերակառուցել մարզադաշտի հիմնական տրիբունան, կառուցել միջազգային չափանիշներին համապատասխանող հանդերձարաններ, այլ անհրաժեշտ շինություններ: Արմավիրի մարզադաշտը շուտով կունենա նաև բնական խոտածածկով խաղադաշտ, մարզասրահ, լոգարան:

### *Վանաձորի «Լոռի» մարզադաշտ*

Հայաստանի ֆուտբոլի ֆեդերացիայի նախաձեռնությամբ, Լոռու մարզի և Վանաձոր քաղաքի ղեկավարների օժանդակությամբ, սկսվել է այս մարզադաշտի վերակառուցման աշխատանքները: Նախատեսվում է Վանաձորի մարզադաշտը վերակառուցել ամբողջապես, ապահովել բոլոր անհրաժեշտ ենթակառուցվածքներով ու այն դարձնել միջազգային ստանդարտներին համապատասխանող, ուր հնարավոր կլինի անցկացնել անգամ միջազգային հանդիպումներ:



2017-2018 թվականներին շարունակական բնույթ է կրել նաև ֆուտբոլային ակադեմիաների շինարարությունը:

Ինչպես հայտնի է, 2017 թվականի գարնանը տեղի ունեցավ Վաղարշապատի ֆուտբոլի ակադեմիայի հիմնարկերի արարողությունը: Ներկայումս կառուցողական աշխատանքները ամբողջովին ավարտվել են: Պատրաստ են արհեստական ու բնական խոտածածկով խաղադաշտերը, տրիբունան, լողավազանը, ակադեմիայի շենքը:

Շարունակվում է նաև Սիսիանի ֆուտբոլի դպրոցի կառուցման աշխատանքները: Արդեն պատրաստ է արհեստական խոտածածկով խաղադաշտը՝ ջրամատակարարման և դրենաժային ժամանակակից համակարգերով: Ավարտին են մոտենում դպրոցի շենքի և տրիբունայի շինարարական աշխատանքները: Հաշվի առնելով Սիսիանում ֆուտբոլով մարզվելու ցանկացողների քանակի մեծ աճը՝ 2018 թվականին ՀՖՖ-ն որոշել է ընդլայնել կառուցապատման աշխատանքները. արհեստական խոտածածկով խաղադաշտի

եզրերում կառուցվում են երկու փոքր մարզումային խաղադաշտեր՝ արհեստական ու բնական խոտածածկերով, լուծվում են պարիսպի կառուցման և տարածքի ջրահեռացման խնդիրները:

Սևանի քաղաքապետարանի առաջարկով՝ Սևանի նախկին զբոսայգու տարածքում Հայաստանի ֆուտբոլի ֆեդերացիան կառուցում է ֆուտբոլի դպրոց, որն ունենալու է արհեստական խոտածածկով խաղադաշտ: Դպրոցի մասնաշենքն էլ բաղկացած կլինի 3 հանդերձարաններից, անհրաժեշտ այլ օժանդակ սենյակներից, կտեղադրվի արևային էներգիան օգտագործելու համակարգ, 300-400 տեղերով տրիբունա, անհրաժեշտության դեպքում՝ հնարավոր է նաև երկրորդ խաղադաշտի տեղադրումը:







## ԳԼՈՒԽ 6. ՄԱՐԶՉԱԿԱՆ ԴԱՍԸՆԹԱՑՆԵՐ ԵՎ ԱՐՏՈՆԱԳՐԵՐ



2017 և 2018 օրացուցային տարիները բավականին բեղմնավոր էին մարզչական դասընթացների տեսանկյունից: ՀՖՖ Արտոնագրման բաժնի կողմից որդեգրված որակի բարձրացման քաղաքականությունը շարունակում է հանդիսանալ կազմակերպված դասընթացների հենասյունը:

2018 թվականին մեկնարկեց ՀՖՖ Մարզչական ՊՐՈ արտոնագրի երրորդ դասընթացը, որին մասնակցության հայտ էին ներկայացրել 13 մարզիչներ ինչպես Հայաստանից, այնպես էլ արտերկրից: Դասընթացի 18 ամիսների ընթացքում մասնակիցները հնարավորություն կունենան խորացնել իրենց գիտելիքներն այնպիսի ոլորտներում, ինչպիսիք են սպորտային հոգեբանությունը և բժշկությունը, տաղանդի բացահայտումը, ակումբներում խաղացողների զարգացման երկարաժամկետ ծրագրերը, բարոյականությունը և էթիկան, ՉԼՄ-ների հետ հարաբերությունները, հռետորական արվեստը և շատ ու շատ այլ թեմաներ, որոնք առանձնակի կարևորություն ունեն մարզչական գործունեության ընթացքում: Դասընթացի մասնակիցները կայցելեն եվրոպական մի շարք երկրներ, տեղում կդիտեն ֆուտբոլային հանդիպումներ, կկատարեն մասնագիտական վերլուծություններ, կծանոթանան ֆուտբոլային ենթակառուցվածքներին: ՀՖՖ Մարզչական ՊՐՈ արտոնագրի դասընթացն ավարտվելու է 2019 թվականի հոկտեմբերին, երբ մասնակիցները կհանձնեն ավարտական քննությունները:

2018 թվականին արդեն երկրորդ տարին անընդմեջ Արտոնագրման բաժինը կազմակերպեց և անցկացրեց ՀՖՖ մարզչական Ներածական դասընթացը, որը մասնակիցների մեծ քանակով պայմանավորված՝ անցկացվեց երկու փուլով: Թվով 45 մասնակիցները մեկշաբաթյա դասընթացից հետո հանձնեցին միջանկյալ քննություններ, որոնք բարեհաջող հանձնած մասնակիցները հնարավորություն ստացան մասնակցելու ՀՖՖ մարզչական Բ արտոնագրի դասընթացին: Այս դասընթացին մասնակցում էին 26 ներկայիս և ապագա մարզիչներ: 2018 թվականին նախատեսվում է անցկացնել ևս երկու նման դասընթաց Գեղարքունիքի և Տավուշի մարզերում՝ նպատակ հետապնդելով բարձրացնել մարզերում աշխատող մարզիչների մասնագիտական հմտությունները և աջակցել մարզերում ֆուտբոլի մասսայականացմանն ու զարգացմանը: 2019 թվականին ՀՖՖ Արտոնագրման բաժինը նախատեսում է նաև անցկացնել Դարպասապահների մարզչական Ա արտոնագրի և Ֆուտզալի մարզչական Բ արտոնագրի դասընթացներ:

Միաժամանակ մեկնարկեց ՀՖՖ Մարզչական Ա արտոնագրի դասընթացը: Ծրագրով նախատեսված է 6 ամիս տևողությամբ դասընթաց, որին մասնակցում են 15 մարզչական Բ արտոնագիր ունեցող մարզիչներ:









Հեղինակ՝

Վահան Բերակչյան

ՀՖՖ Արտոնագրման բաժնի պետ

«ՀՖՖ ԱԿՈՒՄԲՆԵՐԻ ԱՐՏՈՆԱԳՐՄԱՆ ՀԱՄԵՄԱՏԱԿԱՆ ՎԵՐԼՈՒԾՈՒԹՅՈՒՆ 2018» - ի ստեղծմանը նպաստել են՝

Արմեն Մինասյան

ՀՖՖ Առաջին փոխնախագահ և Գործադիր տնօրեն,  
ՀՖՖ Ակումբների արտոնագրման համակարգի և  
վերահսկողության գործընթացի նախագծի ղեկավար

ՀՖՖ Ֆուտբոլի ղեկարտամենտ՝

Արթուր Ազարյան

ՀՖՖ Ֆուտբոլի ղեկարտամենտի ղեկավար



A group of football players in green jerseys are celebrating, holding a trophy high in the air. They are surrounded by a shower of white and yellow confetti. The background is a clear blue sky. The image is overlaid with a large, semi-transparent blue arrow pointing to the right.

**ՀԱՅԱՍՏԱՆԻ ՖՈՒՏԲՈԼԻ ՖԵԴԵՐԱՅԻՆ**  
Արտոնագրման բաժին

Հասցե՝  
Հեռ.՝  
Էլ. փոստ՝  
Կայք՝

Խանջյան 27, Երևան, 0010, Հայաստան  
+37411888808  
licensing@ffa.am  
www.ffa.am